

Akraneskaupstaður  
Regína Ásvaldsdóttir bæjarstjóri  
Stíllholti 16-18  
300 Akranesi

Reykjavík, 15. nóvember 2016


### Efni: Beiðni um rökstuðning

Mælt er fyrir um álagningu fasteignaskatts í 3. gr. laga nr. 4/1995 um tekjustofna sveitarfélaga. Samkvæmt c-lið 3. gr. skal skatthlutfall á atvinnuhúsnaði vera 1,32% af fasteignamati. Sérstaka heimild er að finna í 4. mgr. sömu greinar til hækkunar þessa hlutfalls um allt að 25%.

Samkvæmt upplýsingum á vef Sambands íslenskra sveitarfélaga um álagðan fasteignaskatt fyrir árið 2016 innheimtir Akraneskaupstaður hámarksprósentuna 1,65%, þ.e. sveitarfélagið leggur álag á fasteignaskatt fyrirtækja sem staðsett eru innan sveitarfélagsins.

Félag atvinnurekenda (FA) óskar eftir rökstuðningi Akraneskaupstaðar fyrir beitingu heimildar framangreindra laga til að leggja álag á fasteignaskatt. Auk þess óskar FA upplýsinga um hvort kostnaðarmat liggja að baki ákvörðun sveitarfélagsins að beita álagsheimildinni. Ef slíkt kostnaðarmat er til, óskar FA eftir afriti af því sem og þeim útreikningum og gögnum sem að baki því liggja. Óskað er eftir þessu kostnaðarmati fyrir síðustu fjögur ár. Hafi slíkt kostnaðarmat ekki farið fram er óskað eftir staðfestingu sveitarfélagsins þar á.

Virðingarfyllst,

  
\_\_\_\_\_  
Inga Skarphéðinsdóttir, lögfræðingur FA